



UPA 2017/136
Nuuk, 20.04.2017
KELBE

Kalaallit Nunaanni aningaasarsiornermut killeqarfimmi imaani avatangiisinik allanngutsaaliuinissaq pillugu inatsimmut Namminersorlutik Oqartussat tapersiinissaat pillugu Inatsisartut aalajangiiffigisassaattut siunnersuut.

(Inuit Ataqatigiit siullermeerinninnermut oqaaseqaataat)

Ukiuni kingullerni nunatta imartaani angallattut imaanilu suliat assigiinngitsut amerliartortillugit mingutsitsisoqaratarsinnaanera ilimanarsiaruinnarpoq, taamaammallu malittarisassat naleqquttut pisariaqaraluttuinnartarlutik. Tamatumalu saniatigut nunarsuarmioqatigiit imaani avatangiisit pingaaruteqassusii-nik paasinnillutik imaani mingutsaaliuinnermut malittarisassanik nutarteriuarput. Aamma inuiattut aningaasarsiornikkut immitsinnut annerusumik napatik-kiartornerput ilutigalugu inuussuteqarfitsinni pingaernerpaap - tassa immap - paarilluarneqarnissaa sulii pingaaruteqaraluttuinnarpoq.

Taamaammat tamakku tunngavigalugit piffissanngorluinnarsimavoq imaani avatangiisinik allanngutsaaliuinnermut inatsisit nutarterneqarnissaannut. Tamannalu pillugu Namminersorlutik Oqartussat danskit inatsisaannik nutarterinnermut tapersiinissaat pissusissamisoortutut Inuit Ataqatigiinniit isigigatsigu aalajangiiffigisassatut siunnersuutip akuerineqarnissaa inassutigissavarput.

Qujanaq